



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

IV. Die Markgrafen Otto und Conrad, so wie Conrads Söhne Johann und Otto, gründen die Stadt Dramburg, am 1. März 1297.

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

IV. Die Markgrafen Otto und Conrad, so wie Conrads Söhne Johann und Otto, gründen die Stadt Dramburg, am 1. März 1297.

Otto et Conradus, Dei gratia Brandenburgenses et de Landesberg marchiones, Et nos Johannes et Otto, Marchiones, Conradi filii, ejusdem Marchie domini, Universis christi fidelibus, ad quos presentes devenerint eorum notitiamque sortiuntur. Cum ea, que aguntur in tempore, cum temporis volubilitate citius evanescant, nisi a lingua testium aut scripti memoria recipiant firmamentum. Quapropter recognoscimus et tenore presentium evidentius protestamur, Quod viris honestis Arnolde de Goltzen, domino schulteto in Dravenborch, nec non Conrado et Johanni, ejus fratribus, predictam civitatem nostram Dravenborch cum omnibus suis obtinentiis, sicut infra recitabitur, dedimus possidendam. Dedimus nihilominus civitati predicte jus Brandenburgense, apponentes ad ipsam civitatem ducentos mansos XVI mansis minus. De his vero mansis Burgenfes dicte civitatis quinquaginta mansos ultra Dravam ex transverso civitatis habebunt ad agriculturam in ascensu similiter et descensu. Residuos vero mansos ab ista parte Drave ad agriculturam et ad usum civitatis ad se recipiant et habebunt, porro ecclesiam in prefata civitate cum quatuor mansis dotavimus. Prefectus quoque et sui fratres et heredes eorundem decem mansos pro suis usibus perpetuo liberaliter possidebunt. Expirante autem libertate de uno quoque manso dimidius nobis argenteus censualis dari debet, De quo censu Schultetus tertiam partem et de censu arearum, nec non de judicio pariter sibi tollet. Item molendinum, quod adjacet civitati, supra Dravam exstructum, prefatus Schultetus sui que heredes cum omni usu justo pheodali titulo liberaliter possidebunt. Et quicquid in foro de edificiis, veluti in teatro nec non macellis carniū sive pannis annuatim cedere poterit aut derivari, id ipsa civitas sibi usualiter in integrum reservabit. Item omnes questus et census de areis extra civitatem constructis ad eandem civitatem volumus usualiter pertinere. Damus etiam civitati cum omni utilitate et piscationibus hec Stagna, quorum nomina sic notantur: Lubefow, Werene, Tzapell et fluentum, ipsius Stagnum Welfen et ipsum Stagnum Welfen cum Stagno Melne et Grellence. Damus nihilominus dicte civitati paludem Manhagen super nostram civitatem sitam apud Dravam, in ascensu ipsius Drave usque ad terminos campi ville Dalow, ita quod ipsa palus ab aliquo nostrorum officialium aut advocatorum nunquam deinceps debeat minui. Item ipsa civitas ab omni telonio penitus ab inhabitantibus et advenis non nunquam a mercimonio quolibet emptionis vel venditionis titulo libera permanebit. Burgenfes quoque inibi commorantes venationes leporinas extra nivem absque metu liberaliter exercebunt. Stratas quoque omnes ex plateas obstruere, dirigere et curare poterunt inhabitatores civitatis memorate pro ipsorum libito et expedientia voluntatis. Ut igitur hujusmodi gracie nostre donatio per nos nostrosque successores hereditarios futuris temporibus immutari nequeat aut etiam retractari, presentes literas in evidens testimonium conscribi jussimus desuper et sigillorum nostrorum appensionibus roborari. Actum anno domini MCCLXXXVII septimo, presentibus Wernero de Schwanenberg, friderico de Eickstede, Hassone et Ludolpho fratribus de Wedell, Burchardo de Kockstede, militibus, et Thidemanno, nostro notario, per quem in Prentzlovia, feria sexta ante dominicam, qua cantatur reminiscere, presentia conscribantur.